



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586 413, fax: 586-444

Broj: 03-20-1277/22

Vogošća, 08.07.2022. godine

Shodno Sporazumu broj: 03-20-240/22 od 02.02.2022. godine, potpisanom između Općine Vogošća i NVO „Muslim Aid Association“ Sarajevo, a vezano za Projekat „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“, u kojem su osigurana donatorska sredstva od strane NVO „Muslim Aid Association“ Sarajevo u iznosu od 40%, Općine Vogošća u iznosu od 40% i vlastitog učešća korisnika u iznosu od 20%, a u cilju razvoja plasteničke proizvodnje na području općine Vogošća, Općinski načelnik raspisuje:

JAVNI POZIV

za predaju zahtjeva za dodjelu plastenika površine 100 m² sa dodatnom opremom putem sufinansiranja

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja općine Vogošća koje posjeduju vlastito obradivo/poljoprivredno zemljište (minimalno 500 m² obradive površine) sa maksimalnom udaljenošću 200 m od stambenog objekta u kojem stanuju.

U okviru navedenog projekta biće izvršena podjela 20 plastenika površine 100 m² sa dodatnom opremom za 20 korisnika.

II USLOVI ZA DODJELU PLASTENIKA

Podnosilac zahtjeva treba da ispunjava slijedeće uslove:

1. da je nezaposlena osoba ili osoba sa minimalnim primanjima sa prebivalištem na području općine Vogošća,
2. da je upisan u Registar poljoprivrednih gazdinstava i klijenata u Općini Vogošća i da je izvršio ažuriranje podataka za 2022. godinu do momenta objavljivanja javnog poziva,
3. da je podnosilac zahtjeva vlasnik obradivog/poljoprivrednog zemljišta pogodnog za plasteničku proizvodnju i da se isto nalazi u neposrednoj blizini stambenog objekta u kojem stanuju (maksimalna udaljenost od stambenog objekta 200 m),
4. da ima mogućnost navodnjavanja plastenika,
5. da u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva,
6. da sufinansira 20% od nabavne cijene plastenika sa dodatnom opremom (630,00 KM),
7. da obavezno prisustvuje edukaciji iz oblasti plasteničke proizvodnje u trajanju od dva dana.

8. da u posljednjih pet godine nije ostvarivao-la pravo na donaciju, dodjelu ili sufinansiranje nabavke plastenika od Općine, ministarstava, humanitarnih i drugih organizacija,
9. da će dobijeni plastenik zadržati u vlasništvu najmanje 3 godine od potpisivanja Ugovora.

Općina Vogošća i NVO „Muslim Aid Association“ Sarajevo su nosioci aktivnosti vezanih za realizaciju Projekta.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost poljoprivrednog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta)..... 1-3 boda,
- slabi uslovi (veliki nagib - preko 10°, udaljenost od kuće više od 101 do 200 m, parcela malo osunčana) 1 bod,
 - dobri uslovi (relativno veliki nagib do 10° , udaljenost od kuće do 100 m)..... 2 boda,
 - jako dobri uslovi (blagi nagib, do 5° , udaljenost od kuće 50 m, dobar pristup, parcela osunčana)..... 3 boda.

Kandidati kod kojih se na terenu utvrdi da parcele ne ispunjavaju gore navedene pogodnosti i nemaju mogućnosti za navodnjavanje plastenika ili su podložne jakim udarima vjetra neće se bodovati, te se njihove prijave neće uzeti u razmatranje.

Za parcele za koje komisija utvrdi da nisu pogodne za plasteničku proizvodnju (izlomljen teren, fizička prepreka za postavku plastenika, neadekvatno zemljište, nepoljoprivredna parcela, podložnost jakim udarima vjetra), kandidat se u daljem postupku Javnog poziva neće bodovati i biće eliminisan.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlena osoba i koja se nalazi na evidenciji biroa za zapošljavanje – 4 boda
 - za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,
 - za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje - domaćice, djeca, učenici i sl.) – 1 bod,
- podnosilac zahtjeva mlada osoba životne dobi do 35 godina – 5 bodova,
- ako je podnosilac zahtjeva samohrani roditelj – 3 boda,
- ako je podnosilac zahtjeva ili uži član domaćinstva (dijete ili bračni drug) osoba sa invaliditetom - 3 boda.
- Ukupan prihod domaćinstva:
 - bez primanja - 7 bodova,
 - ako su primanja po članu domaćinstva do 100,00 KM - 4 boda,
 - ako su primanja po članu domaćinstva od 100,01 KM do 150,00 KM - 3 boda,
 - ako su primanja po članu domaćinstva od 150,01 KM do 200,00 KM - 2 boda,

- ako su primanja po članu domaćinstva od 200,01 do 300,00 KM - 1 bod,
 - ako su primanja po članu preko 300,00 KM - 0 bodova,
- socijalni aspekt (stanje na terenu, imovno stanje, opći dojam i sl.) od 0 - 7 boda

Kada kandidati pri bodovanju imaju isti broj bodova, prednost će imati kandidati koji imaju status mlade osobe, te višečlane porodice i veći broj nezaposlenih u porodici.

IV POTREBNA DOKUMENTACIJA

Potrebna dokumentacija za dodjelu plastenika:

1. zahtjev za prijavu na Javni poziv,
2. CIPS prijavnica podnosioca zahtjeva (original ili ovjerena kopija),
3. ovjerena kućna lista,
4. dokaz o nezaposlenosti kandidata izdat od Biroa za zapošljavanje,
5. dokaz o nezaposlenosti svih punoljetnih članova porodice izdat od Biroa za zapošljavanje ili neki drugi dokaz o nezaposlenosti (kopirana zdravstvena knjižica),
6. potvrda o visini primanja zaposlenih članova domaćinstva kao i potvrda (ček) o primanju penzionera ukoliko je isti član domaćinstva,
7. potvrda o upisu u RPG i RK iz 2022.godine, izdata od nadležne Službe Općine Vogošća
8. vlasništvo nad parcelom koja se namjerava koristiti za instaliranje plastenika (kopija ZK izvadka ili Posjedovnog lista),
9. dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
10. dokaz da je podnosilac zahtjeva ili uži član porodice (dijete ili bračni drug) osoba sa invaliditetom (potvrda ili drugi dokument kojim aplikant dokazuje da je osoba sa invaliditetom),
11. ovjerena izjava da u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva,
12. ovjerena izjava da će korisnik podsticaja dobijeni plasteničnik zadržati u vlasništvu najmanje 3 godine od potpisivanja Ugovora,
13. ovjerena izjava da podnosilac zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke plastenika od Općine, ministarstava, humanitarnih i drugih organizacija,
14. ovjerena izjava da će sufinansirati 20% od nabavne cijene plastenika sa dodatnom opremom (630,00 KM), te da će obavezno prisustvovati edukaciji iz oblasti plasteničke proizvodnje u trajanju od dva dana.

Potrebna izjava za uslove pod rednim brojevima 11.,12.,13. i 14. se podnosi na zajedničkom obrascu „IZJAVA“, koja se može preuzeti na info-pultu Općine Vogošća (šalter sala).

V PROCEDURA ODABIRA KORISNIKA

Općinski načelnik imenuje Komisiju za dodjelu plastenika (predstavnik organizacije „Muslim Aid Association“ i tri predstavnika Općine).

Zadatak Komisije za dodjelu plastenika:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te dostavljanje iste Općinskom načelniku.

Saglasnost na predloženu rang listu kandidata daje Općinski načelnik na prijedlog Komisije za dodjelu plastenika.

Rang lista odabranih kandidata će biti objavljena na oglasnoj ploči Općine Vogošća.

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.

Obrasci zahtjeva se mogu preuzeti na info-pultu Općine Vogošća (šalter sala), i sa potrebnom dokumentacijom trebaju predati u zatvorenoj koverti na protokol Općine Vogošća sa naznakom „Za javni poziv za dodjelu plastenika“, „Ne otvaraj“, uz ime, prezime i adresu podnosioca zahtjeva.

Sve dodatne informacije mogu se dobiti u Službi za privredu, integrisani lokalni razvoj i društvene djelatnosti Općine Vogošća, III sprat, kancelarija broj 66. ili na broj telefona 033/586-422 svakim radnim danom od 08:00 -16:00 sati.

Javni poziv ostaje otvoren 15 dana od dana objavljivanja.

Nepotpune i neblagovremene prijave se neće uzeti u razmatranje.



OPĆINSKI NAČELNIK

Edin Smajić

